



Na osnovu člana 19. Statuta Udruženja „Obrazovanje gradi Bosnu i Hercegovinu“, izvršni direktor Udruženja raspisuje

## KONKURS

### za dodjelu stipendija redovnim učenicima srednjih škola i studenata romske nacionalne manjine u Bosni i Hercegovini u školskoj/akademskoj 2019/2020. godini

Uslovi za prijavljivanje kandidata na konkurs:

- da su državljani Bosne i Hercegovine
- da imaju prebivalište u Bosni i Hercegovini
- da su redovni učenici srednje škole/studenti fakulteta u Bosni i Hercegovini
- da ne primaju stipendiju po drugom osnovu
- da ne obnavljaju razred/godinu

Stipendija se dodjeljuje iz granta Fonda otvoreno društvo Bosna i Hercegovina.

Stipendija za 104 učenika srednjih škola i 10 studenata dodjeljuje se na period od 10 mjeseci u školskoj 2019/2020. godini. Stipendija iznosi 100 KM mjesečno.

**Uz popunjen prijavni obrazac na konkurs kandidati su obavezni priložiti sljedeća dokumenta:**

- Uvjerenje o upisu u školu/fakultet u školskoj/akademskoj 2019/2020. godini (original) za učenike srednjih škola i studente na fakultetima
- Svjedočanstvo o završenom razredu u školskoj 2018/2019. godini (ovjerena kopija) za učenike srednjih škola
- Svjedočanstvo o završenom razredu srednje škole u školskoj 2018/2019. godini (ovjerena kopija) za studente prve godine studija
- Uvjerenje o prosjeku ocjena iz akademske 2018/2019. godine za studente druge i narednih godina studija
- Prijava prebivališta (CIPS – ne starija od 30 dana)
- Kućna lista (izjava ovjerena u općini)
- Izjava da kandidat ne prima stipendiju po drugom osnovu ovjerena u općini/mjesnoj zajednici (za maloljetne potpisuje roditelj/staratelj)
- Izjava o pripadnosti romskoj manjini (izjava ovjerena u romskom udruženju)
- Dokazi o ekonomsko-socijalnom statusu domaćinstva:
  - za zaposlene članove domaćinstva - potvrda o mjesečnim primanjima (original)
  - za penzionere članove domaćinstva – ček od posljednje penzije (kopija),
  - za nezaposlene članove domaćinstva – uvjerenje od Zavoda za zapošljavanje (original)
  - za korisnike socijalne pomoći – uvjerenje Centra za socijalni rad (original)
  - za kandidate čije domaćinstvo vodi samohrani roditelj – uvjerenje od općine (original)
  - za kandidate gdje se u domaćinstvu redovno školuje više djece – uvjerenje od škole/fakulteta za svako dijete u školskoj 2019/2020. godini (original)
  - za kandidata pod starateljstvom - uvjerenje Centra za socijalni rad (original)

Izbor kandidata vršit će se komisijski, bodovanjem prema Pravilniku o utvrđivanju uslova, kriterija i postupka za dodjeljivanje stipendije korisnicima romske nacionalne manjine o čemu će kandidati biti pismeno obaviješteni.

Prednost u dodjeli stipendije, pored kriterija iz pravilnika, imaju korisnici stipendije iz školske/akademske 2018/2019. godine koji su sa uspjehom završili razred/godinu i koji su na vrijeme upisani u naredni razred/godinu u školskoj 2019/2020. godini.

U slučajevima kada iz jedne porodice ima više kandidata stipendija će se dodijeliti jednom kandidatu.

Pojedinačnu prijavu s dokazima o ispunjavanju uslova Konkursa i traženim dokumentima dostaviti isključivo poštom na adresu: Udruženje „Obrazovanje gradi Bosnu i Hercegovinu“, Dobojska 4, 71000 Sarajevo, s naznakom „Prijava na konkurs – ne otvaraj“.

Konkurs, nakon objavljivanja na [www.ogbh.com.ba](http://www.ogbh.com.ba) za učenike srednjih škola ostaje otvoren do 21.09.2019. godine, a za studente do 12.10.2019. godine.

**Obrazac prijave na konkurs potražiti na [www.ogbh.com.ba](http://www.ogbh.com.ba)**

Nepotpune i neblagovremene prijave neće se razmatrati.

IZVRŠNI DIREKTOR  
Jovan Divjak, s.r.